

Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-1-40-176-2/24**
Datum: **16.04.2024. god.**

«Agencija za vodno područje rijeke Save» Sarajevo rješavajući zahtjev podnesen od strane Službe za katastar, urbanizam i imovinsko-pravne poslove Općine Tešanj za donošenje rješenja o prethodnoj vodnoj saglasnosti za rekonstrukciju i asfaltiranje puta u MZ Raduša na dionici „Širbegova Luka – Mahala“, na lokalitetu K.O. Raduša, općina Tešanj, a u postupku pribavljanja urbanističke saglasnosti, na osnovu člana 139. stav (1), člana 107. stav (3) Zakona o vodama («Službene novine Federacije BiH», broj 70/06) i člana 218. Zakona o upravnom postupku («Službene novine Federacije BiH», broj 2/98, 48/99 i 61/22) d o n o s i

RJEŠENJE

1. Odbija se zahtjev podnesen od strane Službe za katastar, urbanizam i imovinsko-pravne poslove, Općine Tešanj za donošenje rješenja o prethodnoj vodnoj saglasnosti za rekonstrukciju i asfaltiranje puta u MZ Raduša na dionici „Širbegova Luka – Mahala“, na lokalitetu K.O. Raduša, općina Tešanj, zbog nepostojanja uslova za vođenje upravnog postupka s obzirom da za predmetnu aktivnost, shodno odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije.
2. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, odlukama, uredbama i dr.
3. Ovo Rješenje može se izmijeniti ukoliko za to nastupe razlozi utvrđeni u članu 130. stav (1) tačka 2. i 4. Zakona o vodama, a zainteresirane stranke podnesu argumentovan zahtjev za izmjenu ovog vodnog akta.

Obrazloženje

Od strane Ministarstva poljoprivrede, šumarstva i vodoprivrede Zeničko-dobojskog kantona dostavljen je «Agenciji za vodno područje rijeke Save» Sarajevo na nadležno rješavanje zahtjev Općine Tešanj, Služba za katastar, urbanizam i imovinsko-pravne poslove, za donošenje rješenja o prethodnoj vodnoj saglasnosti za rekonstrukciju i asfaltiranje puta u MZ Raduša na dionici „Širbegova Luka – Mahala“, na lokalitetu K.O. Raduša, općina Tešanj, a u postupku pribavljanja urbanističke saglasnosti.

Uz zahtjev je dostavljena slijedeća dokumentacija:

- Zahtjev za izdavanje prethodne vodne saglasnosti podnesen od strane Službe za katastar, urbanizam i imovinsko-pravne poslove Općine Tešanj, dana 14.02.2024. godine,
- Zahtjev za izdavanje urbanističke saglasnosti podnesen od strane MZ Raduša, Općina Tešanj, dana 21.10.2021. godine,
- Glavni projekat puta „Širbegova Luka-Mahala“, urađen od strane „DOBOJINVEST“ a.d. Doboj, septembar 2021. godine, (kopija dijela projekta).
- Studija za izdavanje prethodne vodne saglasnosti – odvodnja u okviru rekonstrukcije i asfaltiranja puta u MZ Raduša, Higrakon d.o.o. Sarajevo, decembar 2023. godine.

Nakon pregleda dostavljene dokumentacije konstatovano je slijedeće:

- Na zemljištu označenom kao k.č. broj 1190/59 K.O. Raduša, općina Tešanj, planirana je rekonstrukcija i asfaltiranje saobraćajnice Širbegova Luka-Mahala u MZ Raduša.
- Prema dostavljenoj studiji, predmetna saobraćajnica nema negativnih uticaja na vodoprivrednu problematiku (uticaj na površinske i podzemne vode, odbranu od velikih voda, snabdjevanje vodom i kanalisanje voda).

U skladu sa članom 17. Stav (1) tačka 10. Pravilnika o sadržaju, obliku, uslovima, načinu izdavanja i čuvanja vodnih akata („Službene novine Federacije BiH“, broj: 31/15, 55/19, 41/20 i 63/22), Agencija je nadležna za izdavanje vodnih akata za izgradnju željezničkih pruga, autocesta i magistralnih cesta, što ne obuhvata kategoriju lokalna saobraćajnica ukoliko se ista ne nalazi u vodnom dobru vodotoka I kategorije.

U skladu sa članom 17. stav (2) tačka 7. Pravilnika za izdavanje vodnih akata „za izgradnju regionalnih i lokalnih saobraćajnica, uključujući i šumske puteve“ nadležno je Kantonalno ministarstvo.

Prema navedenom, a u skladu sa odredbama člana 139. stav (1) Zakona o vodama, nije propisana obaveza pribavljanja vodnih akata od strane ove Agencije, zbog čega se zahtjev smatra neosnovanim, te je riješeno kao u dispozitivu rješenja.

Pouka o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema Rješenja.

Žalba se podnosi neposredno pismeno, usmeno na zapisnik ili preporučeno putem pošte ovom organu i taksira se sa 15 KM administrativne takse prema tarifnom broju 3. Tarife federalnih administrativnih taksi.

Voditelj postupka:

Meho Čaušević, Bsc.ing.građ.

Po ovlaštenju
Rukovodilac Sektora za
izdavanje vodnih akata



Haris Ališehović, dipl.inž.građ.

Dostaviti:

- Općina Tešanj, Služba za katastar, urbanizam i imovinsko-pravne poslove, Trg Alije Izetbegovića 74260, Tešanj
- AVP Sava, ISV – Vodna knjiga
- Sektor 40, arhiva
- Oglasna ploča AVP Sava